

'T sjoenste 'Lempke' op 't bal



De organisatie van 't nije Lempkesbal daag bezoekers oet om zich zelf zoeë opvallend meugelik in 't leech te zette. D'r zien prieze vur 't sjoenste 'Lempke' en de felste lamp.

De Boekaniers, joekskapel Petatte Nelke en vasteaovesgezelsjap de Beerpiëp rope alle gaste op om d'r same eine, letterlik, sjitterende aovend van te make op vastelaovesmaondaag. Kleurrieke verleechting is de dresscode. Mèt dit thema haope de organiserende vereeniging 't fieës in vastelaovespaviljoen 't Witte Hoes einen extra impuls te gaeve.

De Winnaers waere in de aovendore bekend gemak. Zeej ontvange eur prieze oet heng van de kersverse "prinses vur einen daag" die ouch op dezen aovend gekaoze wuurt.

'T programma op vastelaovesmaondaag krieg ouch muzikaal 'n flinke injectie. Direk nao d'n Tegelse optoch, bars om 16.00 oor 't fieësgeweld los mèt optraejes van vastelaovesband "Net oet Bed", DJ Alby en joekskapel Sokkerpaek. Nao de oetreiking van de optochprieze door D'n Oeles, wuurt d'n draod wir opgepak door ónger mieër Bjorn van Berkel, Nicky en de Mansluuj, Christel en Quinn, joekskapel Petatte Nelke, DJ Sanjer en as sjpetterende aafsjoeter Beppie Kraft. Entree is gratis en vur niks.